





Opuscula

Opuntia

ARBOR (16)
IMMORTALIS GLORIÆ;

I N

Perillustri olim & Reverendissimo Domino.

D. CONSTANTINO

IN LUBRANIEC

DAMBSKI,

Scholastico Vladislavienfi, &c.

invidô mortalitatis ferrô

SUCCISA.

Ac

Dum ad Justa Parentalia in Ecclesia S. MI-
CHAELIS Archangeli Cracoviæ,
in focias sibi Cupressi abierint
à Fatorum serie.

PER

M. MARTINUM SZUMLINSKI,
In Alma Universitate Cracoviensi Philosophiæ
Doctorem & Professore,

dolenti pennâ

VINDICATA.

Anno Domini MDCCX.

Die Mensis



CRACOVIAE,
TYPIS UNIVERSITATIS.

IN STEMMA
ILLUSTRISSIMÆ DOMUS
DAMBSCIANÆ.



Et ramos truncumq; rapis, floremq; nitenti
Cum radice, cupis carpere sæva Parens.
O ausum Libitina tuum! succidere tantum
Falx nunquam, Divûm munus, avara potest.
ARBOR enim decerpta viget si flore perenni
E terris; quid non fixa vigebit humo?



PERILLVSTRI & MAGNIFICO DOMINO,
D. ALEXANDRO
IN LUBRANIEC
DAMBSKI,
ENSIFERO IN OVLA DISLAVIENSI, &c.
Domino Mecænati Amplissimi.



Unestum oculis spectaculum,
immane cordi pondus, Libitina fe-
rox, non ita in Florentissimo GO-
DZIEMBARUM Pineto tragicam
scenam peragit, ut, quæ sævô mor-
talitatis ferro succisæ, ingenti Patriæ
luctu, corruere spectantur ARBO-
RES, majori omnium plausu, etiam è mortuali sar-
cophago, non surgant immortales, Perillustris & Ma-
gnifice Domine. Innatum quippe DAMBSCIANÆ
Domui munus, & velut in Magni Tonantis diphtera
inaratum legimus privilegium; ut ipsa quoq; heroâ
mente, & animo exsuperet fata, quam in PINU Gen-
tilitia, non ulla mortis venena, sed vitæ, in fructibus
suis, ferre medicamina Orbis veneratur. Casus illi nul-
lus unquam evenisse creditur, nisi sub alto virtutum &
meritorum pondere, eò tamen felicior, quò altius,
demisso vertici excrescere, imò supremos magnitu-
dine sua Olimpos vincere, glorioso hoc lapsu sit con-
cessum. Effatum id, stupenti sanè universorum ani-

mô visum tot sæculis in DAMBSCIANIS Manibus;
probatur tandem hodie in Perillustri olim & Reve-
rendissimo Domino CONSTANTINO in LUBRANIEC
DAMBSKI Scholastico Inovladislaviensi Fratre Tuo
Amantissimo. Nemo ARBOREM hanc fatorum turbi-
ne everfam existimet, quæ eô stabilior Fraternæ Tuæ
sese insinuat dexteræ, quò firmiorem nuper in nativo
erga se cordis Tui affectu gerebat stationem. Exclu-
dit PINUS hæc, quantumvis mortis gravitate pressa, lu-
ctus & lachrymas, gemitus averfat & suspiria, cui ipsa
Parentalia, Parentes sunt Immortalis Gloriæ, fatalesq;
Cupressi, vernantes flore perpetuo abiære in Laurus.
Quamvis enim brumali gelidæ mortis algore cinctus
December, universum cum folijs ARBORI huic aufer-
re conabatur decus, non ita tamen effera illius valere
notatur dementia, ut, quod cæca mente intenderit,
vesanus efficeret. Nemo quippe novit aduersis fri-
gescere, qui totus amore DEI & proximi incallescit.
Flos illi perpetuus undiq; sese ingerit, securior tamen
sub Tuo Nomine posthumis virescet sæculis, qui totus
Tuus erat. Et licet nunc Fatorum esse putatur, fatale ta-
men in illo nil reperitur; qui post funera quoq; in ARBO-
REM gloriæ excrevit immortalem. Extende itaq; victo-
riosam dexteram ad ARBOREM hanc, etiam inter sepul-
chrales Umbras Illustrissimam; & more Triumphato-
ris GODZIEMBÆ e terrarum extrahe ergastulo, a Fa-
torumq; injuria vindica Hector Fortissime: sed nè qui-
dem eandem ad pagellam contractam ab Illustribus
Tuis exclude postibus, quam a Parcarum vindicatam
serie in Tuæ sinu plantat gratiæ.

Perillustri & Magnifico Nomini Tuo.

Client. Devinctissimus.

M. MARTINVS SZVMLINSKI,

Phil: Doctor.

ARBOR IMMORTALIS GLORIÆ.

Huc magnus altarum stupor mentium!
quibus vetus stupenda despicere; novum mirari.
Oculos grande requirit spectaculum, duriori aures exasperas aurâ

Facti immanitas invitos rapit animos
perfidæ nunquam fidem daturus rei,
nisi & illi vidissent, & hi sensissent dolorem.

Horrenda funerum parens;
amarorum non amorum bajula.

Quæ

alienis imprægnata necibus, superbo fastu Orbem occupat,
immunda mundi regnatrici & Domina.

Cujus

partus non alius, quam luctus, & lachrymæ.
nati, pallor & macies, casus & ruina filij;

Cui

Et si torus inter sepulchrales umbras legitimus;
Funestos tamen habere thalamos,
etiam ad serenissima Regum solia, nullo sole negatur.

Quam

Nemo unquam effuso polluit cruore, imò ab ipso sanguine
exsanguis derivare pallores, clausis quoq; oculis conspexit.

A qua

Verius Delphico tripode Oraculum,

Cui nasci contigit, mori necesse.

Vivere non dulce est: si è vivis cedere amarum.

Horrenda inquam funerum parens:

Falcis non Sceptri domina,

hic non leves modò stipulas,

gravissimas quoq; impetit ARBORES,

eò violentiori impetu, quò fortius stetisse cognoverat.

Terreus saxam Orbis non terret Libitinam:

infractus Caucasus, fati non frangit violentiam:

Elysij campi nativâ amantate suâ, aut profusis Cloridos opibus

mortis nèquaquam, demulcent ferociam;
Heu fallax Parcarum ethymon!
ipso mentiuntur nomine, quia pulchro.
Parcere notantur, dum minimè parcunt;
blanda finguntur instaurare hilaria,
cùm verius luctigera in theatro Orbis peragant feralia.

Ferox & efferum Numen

si tantum Numinis donandum nomine
cui pro malitia, sine modo regnat malitia.
Illius ferociam Hyperborea Arctos, minimè arctat
immanitatem glaciale inertis brumæ pondus,
ceu ferreâ Plutonis compede
gelidis non coërcet manibus.

Thessala Tempe furentem non recreant animum,
cui totum solatium, luctus proximi & lachrymæ.

Nefandos quis ausus non iudicet?

Infelici subjectos felicitati campos postquam calcaverit
infamis regina mortalium,
per cædes & neces famam suam improba quærens
Dodoneum nemus a quo pulsare pede, atrox intentat Libitina.

O Sacrilegium!

Dijs sacratam mors improba sylvam profanat!
corrûere cogit, ubi sana Deorum steterant.

ô scelus! ô impudentiam!

Neminem unquam effugit fati necessitas.

Seriùs aut citiùs eundem omnes collinamus ad scopum.
non omnes tamen equaliter.

Quæris inæqualitatem?

Adverte florētissimum GODZIEMBARVM Pinetum; & vidisti.
Funestus ab æthere rumor, non modo stygias ripas,
Istuleas quoque devenit ad undas,

Succidite ARBOREM

In Perillustri olim & Reverendissimo Domino.

D. C O N S T A N T I N O

I N L U B R A N I E C

D A M B S K I,

Scholastico Vladislaviensi, &c.

Eheu!

prope.

propera nimum, ast minimum prospera Ministrá,
impiam securim pientissimæ admovit ARBORI,
& succidit.

Effrons Fati potentia,
putavit fronte primâ victrices sibi neçti adores;
quam nondum vicisse judicavit eventus.

ARBOR enim hæc, etiam inter mortales cupressos, immortalis;
inter sepulchrales umbras, umbrarum expers;
famam suam ad tumbas plantata, clarior illustrior tubâ buccinat.

Errasti sanè Libitina demens!

Licet hic vim vi repellere, ubi

Generosos animos ipsa juvat adversitas.

Ad primum cruentæ falcis ictum Illustr: hæc ARBOR non cōcidit
quæ ipsis casibus stare didicit,

millenas repete plagas, vocalior fit, quinimo cæsa triumphat.

Fugitiva Daphne deposuisset Laurum,

si PINVM hanc induisse liceret.

Nullum enim inter eas discrimen;

præterquam, quod illa Apollini sacra fuerit,

hæc Illustrissimæ DAMBSCIORVM Domui debeatur.

Nimirum

Laurus maxima gloria, flos æternus,

ita se in DAMBSCIANAM transfudit ARBOREM,

ut decus suum nulla Fatorum carpat invidia,

nulla pessumdet adversitas,

cui ipsæ velut numismati, *dant pretium plaga*

& multo, major fit plausus, ab ictu.

Vivit itaq; ARBOR hæc Illustrissima etiam post funera

Inconstans fortunæ constantia nil contra valuit

CONSTANTINUM,

eodem flore inter atra mortis vernat involucra,

quo nuper in amicis vigeat pectoribus;

cui nihil ad vernandum defuit:

si ultrò vigor illi undiq; sese ingerit.

Equidem

Magnus à magnis virtutibus viror

æternus Deorum partus, unicus Cælorum hæres;

immortalis dos mortalium

appretiatae mentis pretium, vita & salus gloriæ,

influit huc exundanti sanè non alveo, verum Oceano.

non per occultos tantum ut alijs meatus,
sed per oculata recte factorum monumenta.
A primis quippe incunabulis innumeros virtutum cuneos
imò ipsam à flore maturitatem duxit hæc ARBOR.

Adhuc in fascijs erat;
& jam ad fasces proceritatem suam extendebat.

Heu invida Fata!
quòd in medio illorum positam succiderint.
In pusione nihil pusillum advertimus;
Magnorum, majora semper;
quàm pro captu corporis indicia dabat.
qualis futurus Vir erat, in puello vilus;
quantus Leo, ex ungue noscebatur.
Igitur, ut major ab eruditione quoq; assurgat, sibi vigor
excolendum scientiis doctæ Palladi submiserat verticem.

Fallor!
Culturâ altum hoc non indigebat ingenium,
quod transfusâ cum Illustriss: majorum sanguine dives sapientiâ,
potius ad excolendam Palladem in arenam descendit literariam;
in qua ita gloriosissimè contra hostem ignorantiam,
Heros certavit fortissimus;
ut invidiæ temporum reputasset Minerva,
quòd è Iovis potius, & non de hoc nasceretur cerebro:
nullò pactò Iove minori.

Habuit hic. quo cum Musis Apollo delectetur.
Sumpsit, velut è vireto Eloquentiæ, quo floreat Hortensius
centenos hinc educiturus Mercurios.

Sragyrta, non magis ex Porphyriana, quàm ex hac ARBORE
quid præsit, & quid subiaceat, evasit eruditior.

Sacra Themis, non tam in sua bilance,
quàm in hac requievit Pinu,
pari vultu Iustinianum respiciens, & Canones:
nè quid ad florem ARBORI perpetuum defuisset.

Quia verò oculo mentis caeleste vidit ingenium,
non esse fortem Arborem, nisi quam frequens ventus incurset,
suasit constantem PINVM Martio furori exponere.

Instabat tunc Patriæ,
non major ab Aquilone quàm ab Euro procella:
ubi sub Bizantinæ Cynthiæ Vienna gemens pondere
cingebatur Coronâ, sed obsidionali

Magna

Magna Polonorum Aquila,
quæ irretortâ pupillâ solem alibi intueri soluit;
tetra Othomanicæ Lunæ cornua, aliter nequivit prospexisse;
nisi DAMBSCIANA PINVS ramos suos opponeret

I N V L A D I S L A O,

Lechæo Marti validiores suppetias.

I N C O N S T A N T I N O,

Statura, de victo hoste trophæa appromittens,

Castor & Pollux,

in sanguineo mari nutanti Reipublicæ Classi,
fortibusq; navigatoribus, gladijs pro remis utentibus,
adeo dextrè affulgebant,

ut nullus à fortunatis triumphis insulis deviaret.

Proh dolor!

Crudele Fatum gemina rumpit sidera,

V L A D I S L A U M Cælo,

ingenti non modò DAMBSCIANÆ Familiæ,

sed totius Regni cum luctu & dolore

C O N S T A N T I N U M

summo cum plausu Patriæ, Polono reddit polo.

divisis tamen indivisa gloria,

eadem laurus inter fatales Cupressos, ac inter vitales Cedros

sudantia utriq; vinxit tempora.

Sed

Depone clavam, si vis nè tremat penna

Militia Tibi sine gladio aperitur,

Cruore profanari barbarico non decet dexteram,

quæ tota Sacris est devota.

Mutat itaq; ARBOR Illustrissima statum, sed non genus,

& qui nuper Martis fuerat;

Mortis Victoris CHRISTI miles efficitur.

Excipit plaudente polo

tantum Deorum munus Vladislaviensis Cathedra,

nil sibi defuisse arbitrata,

præter **C O N S T A N T I N U M,**

Scholastici dignatur titulò, non absq; mysterio,

Scholam enim omnigenæ eruditionis vidit in illo;

Supra tamen omnia virtutibus & meritis eminebat.

Sub illius cura potuit docere Aristoteles,

C

&

& fecisset suam Scholam Academum,
nec sylva desideranda illi erat;
una ARBOR DAMBSCIA sacrum pinxit lucum.
& certè in hoc loco, haberent lucem ingenia.
Nec trunci fierent homines, licet sub ARBORE discerent.
Suppeditaret folia vertex laureatus,
& libri essent, non tantum ex Arbore Ægyptia,
verum & e DAMBSCIA.
Verbo: ex hac una ARBORE tota potuit erui Academia.
Omnia fingi ingenia, cuncta excindi acumina.
Nec oracula abessent,
si sic sollicitasset aliquis ter geminam PINVM,
ut Deorum olim Tripodem.
E Dodona hæc ARBOS in Poloniam translata,
tot edidit oracula, quot salutaria effudit consilia.
Audiuit hæc JOANNES III.
& paruit oraculis vox JOANNES,
usurpavit AUGUSTUS II.
& auxit ARBORI gloriam,
ab hac auctus Regio diademate.
Duxit secum in Saxoniam,
nè tantum uni solo nota foret PINVS.
Inter ridentes lepores Catonem gerebat
præter amantitatem & gravitatem animi nil vidisses.
Amor Principum, Episcoporum deliciae, Amicorum Corona.
ita se gessit, ut ubiq; viror & vigor suus perennet.
Adauctum florem perpetuum ARBORI huic,
Illustrissimus Majorum suorum Sanguis;
verè ros Cælestis: quia Heroum:
quo DAMBSCIORVM suffusa PINVS virore Lauros,
Cedros exsuperat immortalitate.
Nimirum
Æternum ARBORI huic florem in terræ ergastulo nemo negat,
quam, contra naturam, extra glebam extractam,
heroâ GODZIE MBÆ dexterâ,
fugatis hostium turmis, in victrices palmas excrescere non ignorat.
Docuit Hector Fortissimus,
quantus viror a sanguine Nepotum ARBORI huic futurus fuerit,
quàm prius in Martio Campo hostili cruore irrigavit,
ante-

antequam in Illustrissimam Domum transtulerit.

Spatiosa sanè in immensum A R B O R,

quæ tam longè, latèq; extendit ramos suos.

ut nulla Regni supersit curulis, in qua non vigeat florentissima.

Pontificia cum Pediti Tiara, Ducales cum clava Mitra,

aliaq; suprema Regni subsellia hic hæreditant.

Summo sibi honor dishonori duceret, si è Domo hac elabatur.

Ingenti cum stupore veneramur hæctenus inextinctam gloriam,

Illustrissimi & Reverendissimi Domini,

D. MARTINI LUBRANSKI,

Episcopi Posnaniensis & Vladislaviensis,

quem si verus Roma vidisset;

Lucullos aut Trajanos jactare desineret;

hic enim portum communis fortunæ invenisset.

De liberalitate illius tacere coguntur Oratorum ingenia,

quia laudibus suis imparia;

loquuntur tamen ipsa marmora, tot linguis;

quot, in quinquaginta septem Ecclesijs à se fundatis,

quot in plurimis Monasterijs & Xenodochijs,

non sine proventibus suis erectis emicuere beneficia.

Grave Sepulchri Marmor non ita premit

Illustrissimos olim & Reverendissimos Dominos,

DD. LUPUM GODZIEMBA, ANDREAM LA-

SCARIUM, MARTINUM & GREGORIUM

LUBRANSIOS,

Posnanienses, Plocenses, & Vladislavienses Antistites;

ut in florem æterni non assurgant viroris,

idem zelus illis pro Domo DEI & Patria,

eadem sanctimonia & pietas,

eadem quoq; immortalis gloriæ Corona,

JOANNEM LUBRANSKI,

vel ipsa Philosophica Laurea,

in coronamentum Posnaniensis INFVLÆ

Sacra redimens tempora,

virenti immortalitatis æternitatis flore beat.

Apollo hic noster,

quò magis Gentilitia sua PINVS vireret,

extensurus Studij Academici amplitudinem,

Laurigeras Posnam Musas transtulit;

non, tam Castalis fontibus,
quàm murmurantibus rapidi Vartæ fluentis clariores.

VINCENTIUS à LUBRANIEC,
Palatinus Posnaniensis,

ipso quoq; Nomine factorum vincendo furores,
non sui tantum sanguinem.

In Regni scilicet PROCANCELLARIO,
& CASTELLANO Brestensi Cujaviensi.

totam quoq; Pater optimus,

in Filios evocat Rempublicam Polonam,

quam ordinare melius non potuit,

nisi, cum illam, jure Ordinationis, plurimarum Villarum
hæredem evinxisset,

STANISLAUS & ADAMUS LUBRANSCH,
Slonimenses, Becenses, Lancicienses, Conarienses
CASTELLANI,

Poloni Hectores,

toties ARBOREM proprio sanguine consperserant,

ut in Posthumis suis perpetuo pullularet.

Tantus vigor à Majoribus DAMBSCIANÆ ARBORI

Mutata nomina, immutata Domus

quia Divum omnes de sanguine natos, veneramus.

Verum

Absorbet immensum laudum suarum Oceanum,

Cellissimus olim Princeps,

Illustrissimus & Reverendissimus Dominus,

D. STANISLAUS DAMBSKI,

post augustam Honorum gradationem,

à Luceoriensi, Plocensi, & Vladislaviensi Tiara.

EPISCOPUS CRACOVENSIS,

Dux Severiæ.

Magnus ubiq; Princeps & Senator,

ut vernantior sæculis innotesceret PINVS,

illius umbrâ inquietæ Reipublicæ æstus extinxit

in Electorali Varaviæ Campo.

Serenissimū AVGVSTVM II. Regem Poloniarum Invictissimum
nominando & coronando.

Ecquid non in auge floris perpetui Arbor maneat?

quæ etiam supra Regum vertices se attollit.

Proh

Proh dolor!

Invidebas tantum Principem Poloniæ cælum, & abstulit!

metuebat fortassis, nè Martios ignes,
quos tum in ruinam Regni parabat,
diffusâ ARBORIS umbrâ extingueret,
extinxisset! si stetisset.

Cimmeriis Fatorum non premitur noctibûs,
Perillustis olim & Reverendissimus Dominus.

D. L U C A S D A M B S K I,

Canonicus Cathedralis Cracoviensis,

qui immortalitatem famæ suæ,
non tantum in Kruszyński Ecclesia,
aut Capella ad Aedes S. MICHAELIS Cracoviæ

Sanctâ fundatione incidit
etiam in Ternis Peraugusti Capituli Cracoviensis
Coronis vigor suus renidet,

quibus velut SKARBK MAXIMILIANO
aurum auro addidit,

dum centum millia florenorum inscripsit.

Perillustis olim & Magnificus Dominus.

D. J O A N N E S D A M B S K I,

Castellanus Voynicensis,

Palatinatus Cracoviensis Decus summum;
plus illi jura Regni fuere, quam favor Civium;
majus propriæ vitæ, quam libertatis Patriæ dispendium,
mori potius elegit liber,

quam vel minimæ de fama sua notæ servus vivere.

O vigorem ARBORIS immortalem!

ab ipsis fluentem manibus.

quantus in præsentibus? si tantus cumulat in absentibus?

Illusterrimus & Excellentissimus Dominus.

D. S I G I S M U N D U S D A M B S K I,

Palatinus Brestensis, Cujaviensis,

Inovladislaviensis, Dyboviensis, &c. CAPITANEUS,

quem si in toga videamus, Athlantem Patriæ;

si in sago, Achillem ubiq; gloriosissimum veneramus.

Purpuram illi non tam de fulvo Phryxi vellere pretiosus murex,

quam devictorum cruor & pudor hostium depinxit,

eo pulchriori gloriâ, quò deformiori suâ ignominia,

D

Adcs

Ades Alcides Fortissime,
Illustrissime ac Magnifice Domine.
D. ADALBERTE DAMBSKI,
Inovladislaviensis CAPITANEE,
MARESCHALCE Curiae Regni Meritissime.
Magna Magni Parentis proles,
vera Virtutis Paternae effigies.

Tibi jam in caduceos excrevit PINVS Gentilitia,
Tibi majores Fasces virtus parat & Sapientia
Felices honores, qui hac eveniant via.
At de Te quid dicam,

Perillustis ac Magnifice Domine.
D. ALEXANDER in LUBRANIEC DAMBSKI,
ENSIFER Inovladislaviensis.
Terrent ipsa Nomina, quia magna
Minime PHILIPPO cedit,
Illustrissimi Parentis Tui maxima gloria:
illum jactat Macedonia, hunc veneratur Sarmatia,
utrosque immortituros vivere.

IN ALEXANDRO,
de Te nemo unquam sine peccato dixit;
peccare enim cogimur in laudibus Tuis, quia illis impares.
Cum Nomine Tibi fortitudo Macedonis indita;
qua famae Tuae universum Orbem subjugasti.
Mars Polone!

contra cujus scitam prudentiam,
nihil furores valuere Scytharum.
A splendore virtutis Tuae,
Othomanica Cynthia Eclypsim suam toties erubuit;
rubore a proprio cruore derivato.
Ad Chocimum gloriae Tuae viva steterunt monumenta,
ipso casu hostium.

JOANNIS III. Poloniarum Regis Potentissimi,
Athleta Fidissime.
qui velut alter Hercules, victorias semper & trophaea erigebas.
Triumphales palmae, nunquam a forti exulabant dextera.
Atlas labantis Patriae etiam in Filijs.

Magnificis ac Generosis Dominis,
STANILAO & CASIMIRO,
quos

quos Martius furor minimè frangit, quia fortes.
Generosam indolem, à Patre non degenerem,
contra bellicos opponunt æstus;
ut sic nobilius seris fama sua splendet sæculis.

In illorum primo instare salutem Patriæ.
In altero miros casus hostibus quis non speret,
nil enim præter hoc spirat uterq;.

A N D R E A S & A N T O N I U S,
Magnæ Spei Filij.

Non modò Tibi Patri, sed Patriæ quoq; crescunt in Coronas;
eo pulchrius, quò sapientius non rudi nemore,
sed Alma ARBORES has steterisse voluisti, Academo.
Sed nedum hic vigor stetit A R B O R I.
Procerosa valde PINVS,

quæ planè omnes in suum virorem evocat Familias.
Buccinant hic famam surdo quoq; audiendam Garammi.
Illustrissimorum & Excellentissimorum Principum,

R A D I V I L I O R U M T U B Æ,
secure ad fortunatas immortalitatis Insulas devehunt,
O P A L I N I O R U M N A V E S,
D Z I A L Y N I O R U M S A G I T T Æ c u m D E M B I N S C I J S,
P R Z Y J E M S C I J S,
imminentia fortiter repellunt pericula.

Victoriosæ **P O T O C C I O R U M C R U C E S**
de Fatis ipsis trophæa erigunt.
T A R N O V I O R U M V O M E R non Patrijs tantum,
sed etiam exteris, Nomen Magnum inarat agris.
L U B I E N S C I O R U M C A P U T
ad summa invitat Capitolia.

Z Y D O W S C I O R U M R O S Æ
immortales gloriæ spargunt odores,
in quibus mella stillant apibus, mors scarabæis.
M O R S C I O R U M Ascia nociva refecat.
W E G L I N S C I O R U M Castellanorum Sâdomirien.
P A N I E W S C I O R U M Ducum Hungariæ,
& Poloniæ Supremorum,
sexcentorumq; aliorum immensa Herois & gloria;
etiam in mortuali marmore immortalitatem incidit.

Ergo

Da

cantia

tantis plenam vigoribus ARBOREM,
nemo unquam mori existimet.
Immortalis esse debet, quæ etiam de morte triumphat,
major illi ab umbris splendor; quæ abiit, non obijt.
Vitam, pro meliori mutavit, non amisit.
Submisit colla securi Libitinæ, ut securius vigeat,
descendit ad imas terræ cavernas, ut eò altius assurgeret.
O altam ARBOREM!
cujus radix terrâ, vertex plaudente polo capitur:
Tuæ Celsitudini

Illustrissime & Reverendissime Domine,
D. CASIMIRE
a LUBNA
LVB I E N S K I,

Episcopo Chelmensis, Abbas Czervienſis, Epi-
scopatus Crac: ac Ducatus Sever: Sede vacante Generalis

ADMINISTRATOR
pro Pontificio amore & favore,
demissas ad usq; sepulchræ marmor incidit gratias,
Cum sis CASIMIRUS.

Casus omnis Te fugiat, Fortuna quærat,
Honor supremus inveniat.

Vavellus Pastorem capiat expectatissimum.
DEMBINSKIANÆ & LUCZKIEVIANÆ Pietati
pro cura & solitudine Executoriali,
fausti in Vavello splendescant Soles,
Coronisq; superaddantur Tiaræ.

At verò Tibi
Perillustre & Magnifice Domine,
D. ALEXANDER in LUBRANIEC DAMBSKI,
ENSIFER Inovladislaviensis,
fraterni de sui recessu in lenimen doloris,
corpus in hac tumba, affectum in corde Tuo deponit.
Mortuum ne credat aliquis; hic vivet superstes:

Te diu incolumi
In CONSTANTINO
constanti vigeat flore,
ARBOR GLORIÆ IMMORTALIS.

u
e.
M
o-
m
o
es
er
ne
a-
ut

o
e-
y-
ti-
e-

o.
e.
e.

22000,-

3.XII.13



Bibliotheca
P.P. Camaldulensium in Bielany

Depozyt w Bibliotece Jagiellońskiej



02350

